

德安府志

地260.83
139



光緒十四年戊子鑄

德安府志

府署藏板

德安府志序

周禮小史掌邦國之志志爲郡邑實紀守斯郡者欲周知幅員廣袤山川夷險物產豐嗇風俗樸漓與夫士習民情流風善政節孝忠義錢穀兵農皆披覽全志以得之非是則諮訪難遍卽欲有所設施亦無以爲取鑑垂型之準光緒庚辰予來守是邦甫下車卽索觀府志掾佐無以應予意德安古江夏名郡魏科顯宦代不乏人鴻儒鉅製夫豈無傳細詢之知府志不修二百年矣舊志爲康熙二十四年乙丑傅君繡水所修綜一府六州縣爲之志雍正七年己酉析府屬之孝感隸漢陽府其

德安府志

卷之首

序

事之別於德安者可不贅然自乙丑訖己酉四十五年
中其事之麗於德安者亦不能不存蓋自傅志後無續
刊補訂之書年湮代遠文獻無徵道光癸卯年始刊有
安陸縣志安陸附郭邑其志載府與縣事綦詳而或畧
於他縣其他雲城隨應各有志詳於縣而畧於府如聚
室以處而別戶分門同道以趨而歧途異轍府志所以
必修也但修之難其人耳前守羅君旭莊周君景垣皆
欲修府志而志不果成豈其時之尙有待耶壬午歲大
中丞彭公芴亭修湖北通志刊列條章檄修府志夫府
志爲省志之本縣志尤府志之資集都人士而議之僉

事而徒坐享其成納手捫心能無自愧然或藉此志之
傳而人心愈進而樸茂世道愈進而敦龐優而游之以
臻上理是又余所深賴於諸君纂修之功而有厚望者
也是爲序

光緒十五年己丑仲夏知德安府事樂平汪元慶撰



續修德安府志序

郡之有志尙矣然躬其事者非深切夫人心世道之憂力持夫實心任事之願卽具過人之才之學之識亦難厯久遠而漸底於成則此舉誠非易易也德安郡志自前明正統間范公理訪續成書以越隆慶隨續隨佚至我

朝康熙二十四年郡守傅公鶴祥網羅散失續緝付刊雖分門別類編次未臻盡善而收勝國灰燼之遺鳴昭代書文之盛存千秋彰瘡之實爲百世觀感之資厥功亦甚偉焉迄於今又二百有餘歲矣光緒七年賡君德安府志卷之首
序
鑑如奉檄續修爰於紳耆中擇品行端方見聞博洽者與之公同商酌建局興工工甫竣而鑑如作古今夏初余奉

命來守是邦安陸張子德森應城楊子在渭持以示余屬爲之序案牘之暇詳加披覽見其規模宏遠體制謹嚴而於忠孝節義數大端苟有一節之長片善足錄靡不旁搜博採闡發無遺俾後之覽者至忠孝則相動以天至節義則相肅以禮默化焉潛移焉其有功於人心世道者良非淺鮮於以歎諸君之實心任事不可及而因以慰賡君於九泉者爲已至也余不敏未及躬親其

應以難詰其故曰典籍剝蝕者舊晨星則徵引難兵燹
頻仍閭里虛耗則資費難而且人心如面意見各歧則
秉筆尤難余曰否否天下事矣以難辭亦視其當爲者
爲之而已府志爲一州四縣事蹟所關風化所繫政教
所資況自我馬倥偬以來治亂之循環人事之得失風
土人物之興衰與夫義士貞女殉難捐軀皆宜勒諸簡
編以垂之久遠畏其難而不修遂聽其日銷月剝傳信
傳疑後之人卽欲起而修之亦惘恍無憑而湮沒不少
矣爰檄各州縣采訪遺事補綴舊文賁送來府寒暑屢
易始克成編余覽之竊自幸曰此固二百餘年所未成
德安府志

卷之首

序

二

者今成矣余其成之之人而能獨任其成耶亦幸際其
時尤賴諸君子操鉛握槧相與勞心協力以襄厥成耳
因記其顛末而爲之序

光緒十四年戊子七月武備院卿銜知德安府事長白

賡音布撰



德安府舊志序

德安郡志自隆慶間纂修未幾歷久無傳百有餘年矣豈曰無人乃歆然不續者蓋慎之也固陋如鶴祥承乏茲土簿書鞅掌軍需奔馳刑名錢穀日不暇給卽有志修明一行作吏毋論愴慨於魯靈模糊於石鼓卽朝獵夕疏不過撫拾舊葦踵事增華而已求其上稽古人傳信後世蓋戛戛乎難之

今上聖神文武薄海內外一道同風

諭

部臣檄各省修理志書

各憲奉宣德意命鶴祥纂修郡志鶴祥用是兢兢焉不

德安府志

卷首

舊序

一

敢卽安爰請紳士之博者而禮之於雲夢得李君士竑於安陸得萬子年觀及教授郭更名教諭汪紹遠將州邑舊志分讐互校增捐訪緝取其傳信而止凡閱月而成編昔新唐書紀表志出於歐陽永叔列傳出於宋景文乃各標名卷首不給蒙襲今分纂合構志旣竟襟帶險易如也物華人瑞炳如也土貢民俗秩如藹如也以視世之陳陳相因胠篋無當者則有間焉顧鶴祥因之而有進焉德安爲古鄖子國路當數省孔道三關雄峙爲楚北門滕元發雖稱忠厚有鄒魯遺風然田地瘠磽民無蓄積自明迄今無歲

不有軍旅之役今賴

聖天子威靈擴清甯宇

各上憲日申政令而休息之鶴祥亦得仰承盡力以求
無負厥職昔禹功成而禹貢作周道隆而周官著則
斯志之成問猶有些窳而偷生者歟輕果剽悍而戕
法者歟問猶有士譁於學卒曠於伍甲侵乙移此訟
彼訐而憂及長吏者歟有之是俗不古若大非滕元
發之所云矣抑安用此志爲哉夫志者志也庸人之
志在一時君子之志在天下後世書曰訓告教誨又
曰毋卽愆淫自鄉先達及耆舊老成各勵其邦之人
德安府志

卷之首

舊序

二

二三有位各撫其治之民以求其所以爲志之心將
風俗日厚節義日彰庶不上負

聖天子與 各憲愛民之至意是不但鶴祥之幸實一郡
之幸也又不但一郡之幸寔千百世之幸也今史臣
纂修一統大志採風問俗則此一郡之文獻或可少
襄

聖朝同文之治庶幾古者小史邦國志之遺意云

康熙二十四年乙丑仲秋湖廣德安府知府加四級傅

鶴祥謹撰

德安府舊志序

周官職方氏掌天下之圖小史志邦國外史志四方而又有土訓誦訓之屬法制由此立教化由此行焉蓋郡之有志猶國之有史也然史尙褒譏辭貴乎嚴而志籍揚厲義取乎實史經館閣宏裁以備一朝大政志則山川之圖籍制度之沿革財賦之會計以及戶口之登耗風氣之淳薄所以漸濡其心志而變化其耳目者誠視乎主持之人爲累禩徵文考獻之資故史之成也一定不移志之修也因時而參訂文有妍媸之別事有真贋之殊若憑私挾臆出入失當傳

德安府志

卷之首

舊序

三

信之謂何此志之所由與史並重也德安古鄖子國爲南郡上流北接申汝東界郢城西連荆郢南達江漢負山環水延數百里楚北一都會也前此重罹兵燹凋瘵甚於他郡我

國家景運方新生聚教訓閱數十年而鄖之土宜風俗蒸蒸日上變今

聖天子文教覃敷禮明樂備一統之志八紘之圖以次第修繕繪

郡伯傅公本世閥之練達展名儒之經術海內推爲景卿泣鄖七載仁漸義摩雖窮鄉深谷無不洞悉幽隱

其興文治督壅闢葺雉堞弭奸宄持體寬大蠲除煩苛一切斥弊興利之政師帥六屬綱舉目張矣毅然纂修郡志以仰符

功令用垂久遠唯慮曩帙散落邑乘蕪陋謂蒐計博則核信有徵釐剔嚴則臧否不紊辨晰精則豕亥勿譌網羅舊聞綜攬軼牒以龍門之才而兼董狐之筆退食之餘朱墨黠乙心手交并芟繁補闕經歷寒暑彙爲典要乃命士竑與吉陽萬君就局分編萬君尤諳於故實良史才也討論之功居多焉襄事則郡博西陵郭君鄂州汪君又皆經史宗工士林僑盼共相編德安府志

卷之首

舊序

摩條貫周詳遂成一代典章炳炳麟麟猗歟盛哉史自班范而後咸推歐陽永叔公振起修明文章經濟直爲比肩豈非人與文交萃而成美善歟禮曰修其教齊其政後之勤治者披卷而鏡百世以上不下堂而周知方域之間觀其峙流險塞雲物機祥而思其所以勵精明作綢繆保障也觀其供賦之盈絀捐免經制之興革沿廢而思其所以政修人和道一風同也觀其物產貨殖性情俗尚而思其所以好惡取舍敦本抑末也觀其忠孝節烈之闡揚名宦寓賢隱淪才藝之接踵而思其所以端操勵行培養風示也豈

啻覽形勝而徒侈章洪濶溷之巨麗景名賢而徒羨
范謝李宋之芳躅稽人物而徒美鬪黃許鄭之志節
哉法制立而勸戒備教化行而熙洽臻採風者有所
據訓俗者有所本於以翼贊鴻猷光勸郅治則鄖志
豈不與

國史並昭哉士竑編氓陳人不揣迂疎竊附於盛舉之
末有榮施焉

賜進士出身原任揚州府江防同知加一級李士竑頓
首拜撰

德安府舊志序

年觀學疎才淺十聞不售自甘夜糴者久矣仲秋之朔辱

郡伯傳憲公祖折簡左顧以志事下委年觀固辭且讓公曰尙有雲邑李君郭汪二學博共襄厥事勿患弗成子曷辭焉於是適館授餐且進而教之曰鄖屬州邑已各有志矣郡志挈其綱母費辭勿傷雅母率臆母濫竽子其謹之以彰

聖天子車書一統之盛事年觀因拜而卒業竊念郡志弗作百有餘年其間世亂而復治地危而復安政教失

德安府志

卷之首

舊序

六

而復修夫耳食尙訛於隔里賢佞或淆於當時欲以百年以後之末學而上稽百年以前之文獻不其難歟顧三君子皆賢者能揚摧舊聞搜羅往事者也

郡伯傳憲公祖又以清貞介石之操出玉尺金鑑之才共爲裁成觀雖不敏亦不過侈游夏之遭逢以自藏其固陋爾昔歐陽文忠作五代史劉壯輿輩尙指摘其短志云乎哉年觀識見舛鄙管窺蠡測雖無當高深然椶櫚居楔與櫨薄而並蓄芝苓參朮合薑桂以兼收有舊

國恩恭逢

盛舉惟竊附工瞽之末祝無疆之景運云爾
康熙乙丑歲仲秋下澣郡後學萬年觀謹撰

德安府志目錄

卷首序

新序 舊序 輿圖 職名 目錄
凡例 沿革 沿革表

卷一地理上

疆域 形勢 關砦附 山水

卷二地理中

古蹟 金石 墓域附 風俗

卷三地理下

節序 物產 衢巷附 公署 京都會館附

卷四建置上

城池 隄防 井附 津梁 坊表

卷五建置下

祠祀 寺觀附 戶口 田地 丁銀 漕米 積改

卷六田賦

屯田附 社倉附 鹽法 蠲卹善舉附

卷七學校

學宮 學額 學田 義學

卷八武備

軍制 驛遞 兵事

德安府志 卷首

目錄

八

卷九職官上

郡職 縣職

卷十職官下

列傳 薦辟 孝廉附 進士 舉人

卷十一選舉上

五貢 例選 封廕 世職附

卷十二選舉下

武選 仕蹟上

卷十三人物一

仕蹟下 儒林 文學

卷十四人物二

忠勇 殉難

卷十五人物三

孝友 義行 隱逸 方術 耆壽

卷十六人物四

僑寓 歷代列女 節孝 割股附 貞女

卷十七列女

烈婦 殉難附 賢壽 貞女 烈婦

卷十八列女

節孝 割股附 貞女 烈婦

卷十九藝文

書目 經史子集

卷二十雜志

祥異 仙釋

卷末

補遺

德安府志

卷之首

目錄

九

德安府志卷首

凡例 十四則

一德安之有郡志其來已久明正統間知府范公理訪舊志而續之成化間郡人張瓚序言之甚詳越正德隆慶三次續修惜皆散佚無攷

國朝康熙乙丑郡守傅鶴翔延雲邑李弱侯士竑安邑萬霍受年觀二前輩再事編輯始輿圖終藝文分三十一門合二十四卷考據詳贍誠地志善本也惟其門目既無統紀編次亦嫌雜施如列祠祀於選舉後置雜記於藝文前體例未純不無可議茲仿畿輔江

德安府志 卷之首

凡例

西通志例分爲十門曰地理曰建置曰賦役曰學校曰武備曰職官曰選舉曰人物曰藝文曰雜識每門各繫子目不更爲小序以避雷同庶幾綱舉目張有條不紊

一府志歷二百年未修軼事茫如捕風幸道光癸卯安陸李志附載郡中官廨學宮職官諸類頗詳得以尋緒搜求不致湮沒然道光以後兵燹頻仍卷冊無攷遺漏尙恐不免

一地志首重輿圖志以立圖之根柢圖以顯志之脈絡也舊志各圖不無簡略茲仿通志局給發興國州圖

式兼按各州縣志所記山川疆域記里開方便閱者
開帙瞭然無煩聚米

一德安統隸分合歷代各有不同今纂輯各門總以現
在疆域爲斷如舊志所載孝感一縣今旣改隸漢陽
應從刪汰然其屯田營汛尙隸德安故仍遵舊志錄
入以備掌故

一攷訂沿革最宜詳謹戴震嘗謂地志沿革不明則山
川人物無一不誤洵知言也茲重加釐定分條疏證
且作表以明之至星野一門武功志不載自是卓識
然有分土則有分星舊說相仍未敢全刪故仍錄存

德安府志

卷之首

凡例

其略并遵

皇朝中外一統輿圖式用經緯二線測府城距 京師
偏西及西北極出地度數以地測天其理實有憑也
一府志載筆較縣志稍殊府志如沿革山川城郭關隘
祠祀公廨所關甚大紀載不容不詳至鄉鎮津梁冢
墓坊表等類較縣志稍略者縣志紀其詳府志舉其
要體例固自不同

一名賢體魂所留山川因而生色湮沒無攷憑弔者未
免有荒烟蔓草之悲此冢墓所以附古蹟也若人匪
名賢雖高壟穹碑無關輕重卽名賢而距今未遠其